



MEMORANDUM

O SARADNJI U OBLASTI NAUČNO-ISTRAŽIVAČKE SARADNJE I USPOSTAVI MREŽE ZNANJA U OBLASTI ZAŠTITE I SPAŠAVANJA I CIVILNE ZAŠTITE

Zaključen između:

Ministarstva sigurnosti Bosne i Hercegovine, sa sjedištem u Zgradi prijateljsva Grčke Bosne i Hercegovine, Ulica Trg BiH broj 3 u Sarajevu, koga zastupa zamjenik ministra sigurnosti gospodin Ivica Bošnjak i akreditiranih visokokoškolskih ustanova/institucijama i organizacijama civilnog društva.

U tekstu: Ugovorne strane.

OPĆE ODREDBE I POJMOVI

Mreža znanja u Bosni i Hercegovini u oblasti zaštite i spašavanja je kreirana na osnovu preporuka iz Sendai Okvira za smanjenje rizika od katastrofa Ujedinjenih nacija za period 2015-2030, kao i na osnovu Odluke br. 1313/2013/EU Evropskog parlamenta i vijēća o Mehanizmu Unije za civilnu zaštitu i Provedbena odluka Komisije (EU) 2021/1956 o uspostavi i organizaciji Mreže znanja Unije u području civilne zaštite. Mreža znanja je uspostavljena sa ciljem unapređenja znanja, kapaciteta, podizanja svijesti i svih drugih potrebnih, preporučenih aktivnosti u navedenoj oblasti, a u saradnji sa predstavnicima EU i drugim zainteresiranim stranama u području upravljanja rizicima od katastrofa.

Imajući u vidu značajnu ulogu nauke u izvršavanju sistemskih poslova sigurnosti Bosne i Hercegovine, kao i njen doprinos unapređenju metodologija i tehnologija u obavljanim poslovima zaštite i spašavanja i civilne zaštite, kroz nadležnosti Ministarstva sigurnosti Bosne i Hercegovine strane potpisnice ovog Memoranduma ovim utvrdju značaj saradnje u svim oblastima zaštite i spašavanja i civilne zaštite, a koje se izučavaju i naučno-stručno verifiraju kroz nastavne i naučno istraživačke aktivnosti.

Potpisivanjem ovog Memoranduma strane se slažu da se budućim zajedničkim aktivnostima značajno unaprijedi oblast zaštite i spašavanja i civilne zaštite, kroz sistemске poslove u oblasti za koje je nadležno Ministarstvo te naučno-istraživački rad kojim se bave akreditirane visokokoškoljske ustanove/institucijama i organizacije civilnog društva, a naročito domenu sigurnosne problematike civilnog planiranja za vanredne situacije, te prirodne i druge nesreće (zaštita i spašavanje, civilne zaštite i informativni menadžment).

U primjeni ovog Memoranduma primjenjuje se terminologija i definicije propisane Okvirnim zakonom o zaštiti i spašavanju ljudi i materijalnih dobara od prirodnih ili drugih nesreća u Bosni i Hercegovini („Službeni glasnik BiH“, broj 50/08), entitetskim i drugim zakonskim i podzakonskim odredbama koje regulišu pitanja saradnje koje isti reguliše.

Ovaj Memorandum o saradnji u oblasti naučno-istraživačke saradnje i uspostavi Mreže znanja u oblasti zaštite i spašavanja i civilne zaštite (u daljem tekstu: Memorandum) je potvrda opredjeljenosti Ministarstva sigurnosti Bosne i Hercegovine i akreditiranih visokokoškoljskih ustanova/institucija i organizacija civilnog društva da reprezentativno i kvalitativno unaprijedi oblast zaštite i spašavanja i civilne zaštite.

Vidovi, oblici i vrjednost podrške, pomoći i saradnje uređuju se aneksima Memoranduma na osnovu inicijative ugovornih strana.

Kao pozitivan primjer prakse i Na osnovu Odluke br. 1313/2013/EU Evropskog parlamenta i vijēća o Mehanizmu Unije za civilnu zaštitu i Proveđbena odluka Komisije (EU) 2021/1956 o uspostavi i organizaciji Mreže znanja Unije u području civilne zaštite, kreira se Mreža znanja u Bosni i Hercegovini u oblasti zaštite i spašavanja i civilne zaštite, sa ciljem unapređivanja kapaciteta, podizanja svijeti i svih drugih potrebnih, preporučenih aktivnosti u navedenoj oblasti, a u saradnji sa predstavnicima EU, UN i drugim zainteresiranim stranama u području upravljanja rizicima od katastrofa.

„Akreditirana visokokoškoljska ustanova“ označava univerzitet, fakultet ili visoku školu koja je, u skladu s važećim propisima Bosne i Hercegovine, uspješno prošla postupak akreditacije te dobila formalno rješēnje nadležnog tijela za osiguranje kvaliteta u visokom obrazovanju i time stekla pravo da izvodi akreditirane studijske programe.

„Organizacije civilnog društva“ označavaju neprofitne, nevladine i nepolitičke organizacije koje djeluju u javnom interesu ili u interesu svojih članova, a koje su osnovane slobodnom voljom građana radi ostvarivanja društvenih, humanitarnih, obrazovnih, kulturnih, socijalnih, ekoloških, profesionalnih ili drugih ciljeva od opšteg značaja. U ovu kategoriju spadaju udruženja i fondacije, te druge srodne neprofitne organizacije koje nisu dio državnih organa niti djeluju radi sticanja dobiti.

MODALITETI SARADNJE

1) Predmet saradnje po ovom Memorandumu podrazumijeva sljedeće modalitete podrške i saradnje:

a) naučno-stručna saradnja u razvoju metoda procjenjivanja i analiziranja rizika prirodnih i drugih nesreća i drugih metoda prevencije prirodnih i drugih nesreća u oblasti zaštite i spašavanja i civilne zaštite;

b) uzajamna saradnja kroz organizaciju i učešće u obukama, seminarima, radionicama, vježbama i drugim specijalističkim modulima obučavanja i drugim značajnim događajima u Bosni i Hercegovini i u inozemstvu;

c) ekspertna pomoć i uzajamna saradnja u unapređenju pripravnosti za prirodne i druge nesreće i planiranju kapaciteta zajednice za odgovor na eskalaciju rizika i nastanak nesreća;

d) saradnja u programima edukacija, obučavanja i osposobljavanja u organizacijskim jedinicama popisnika, te drugim institucijama u Bosni i Hercegovini koje iskazuju interes za predmetnu obuku u okviru saradnje sa Ministarstvom sigurnosti;

e) saradnja se može ostvariti i u širem kontekstu iz oblasti redukcije, rizika, zaštite i spašavanja, a za koji se potpisnici međusobno usaglasile;

Aktivnosti predviđene ovim Memorandumom će biti implementirane u toku saradnje između akreditiranih visokoskolskih ustanova/institucija i organizacija civilnog društva i Ministarstva sigurnosti Bosne i Hercegovine u razvoju i implementaciji mreže znanja iz oblasti redukcije rizika (izgradnja i razvoj samoodrživih kapaciteta Bosne i Hercegovine za sigurnost i zaštitu građana Bosne i Hercegovine).

ORGANI ODGOVORNI ZA IMPLEMENTACIJU MEMORANDUMA

Za implementaciju Memoranduma su odgovorni potpisnici.

Ministarstvo sigurnosti Bosne i Hercegovine će donijeti Odluku o formiranju koordinacijskog tima za praćenje Memoranduma, postupka pristupanja i provodenje aktivnosti mreže znanja, te imenovati članove koji će saradivati sa akreditiranim visokoskolskim ustanovama/institucijama i organizacijama civilnog društva, te na taj način koordinirati rad Mreže znanja.

Ugovorne strane, u slučajevima zajedničkog apliciranja na međunarodne i druge javne pozive za projektne aktivnosti, će po svakom pojedinačnom projektu popisati poseban ugovor.

Za svaki konkretni projekt potpisnici Memoranduma će formirati stručna tijela, u ovisnosti od vrste i prirode projekta.

Ugovorne strane su saglasne da se u izradi i implementaciji projekata mogu angažirati naučnici, istraživači i eksperti koji su na listi mreže znanja, čiji se status i ostala pitanja regulišu posebnim aktima.

U navedene oblike saradnje Ministarstvo sigurnosti Bosne i Hercegovine će, shodno procjeni potreba i projektnom zadatku, u implementaciju projekata uključiti i nadležne institucije i organe uprave entiteta i Brčko Distrikta Bosne i Hercegovine.

RELEVANTNI PROJEKTI UVJETI UGOVORNIH STRANA

Kao osnovni predvjet saradnje podrazumjeva se profesionalna lična i institucionalna autonomnost i odgovornost ugovornih strana u cilju implementacije projektnih aktivnosti shodno zakonskim i podzakonskim aktima.

Po usaglašavanju svakog projektnog prijedloga Ministarstvo sigurnosti Bosne i Hercegovine saglasno je i spremno da, shodno zakonima utvrđenim nadležnostima i planiranim sredstvima za realizaciju projekata, dogovara i ugovara sa svakim od potpisnika Memoranduma pojedinačne zajedničke aktivnosti u svrhu efektivne i efikasne realizacije sistemskih zadataka u izgradnji i razvoju kapaciteta Bosne i Hercegovine u oblasti zaštite i spašavanja i civilne zaštite.

ZAVRŠNE ODREDBE

Memorandum se zaključuje na neodređeno vrijeme, a može se staviti van snage sporazumno ili jednostranim raskidom, uz obaveznu postovanja otkaznog roka od mjesec dana, sa detaljnim obrazloženjem razloga takve odluke.

Uvrštavanje u Mrežu znanja vršiće se prema Kriterijumima propisanim Poslovníkom o radu Mreže znanja u oblasti podizanja svijesti redukcije rizika u Bosni i Hercegovini.

Memorandumom o saradnji u oblasti naučno-istraživačke saradnje i uspostavi Mreže znanja u oblasti zaštite i spašavanja i civilne zaštite predviđeno je da akreditirane visokoškolske ustanove/institucije i organizacija civilnog društva mogu naknadno pristupiti Memorandumu na način da pisanim putem obavijeste Sektor za zaštitu i spašavanje Ministarstva sigurnosti Bosne i Hercegovine.

Memorandum stupa na snagu nakon što ga potpišu ugovorne strane.
Ovaj Memorandum potpisan je u 3 (tri) istovjetna primjerku, na službenim jezicima u Bosni i Hercegovini (na oba pisma), gdje svaka ugovorna strana zadržava po jedan primjerak na svakom od jezika i pisama.

Potpisano u Sarajevu, 22.12.2025. godine.